

# **Piffissami ajornartoorfusumi atuartitsisarneq, misilitsittarneq aamma soraarummeertarneq, tiguneqartarneq il.il. covid-19-ip kingunerisaanik atugassarititaasut pillugit Namminersorlutik Oqartussat nalunaarutaat**

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, kingullermillu allannguuteqartinneqartumi Inatsisartut inatsisaatigut nr. 1, 1. april 2020-mi § 22, imm. 2 naapertorlugu aalajangersarneqarpoq:

## **Kapitali 1**

### *Atuuffissaa pingaarnertullu isiginiagassat*

§ 1. Atuarfiit aamma ingerlatsiviit, Nappaatit tunillaassortut akiorniarlugit iliuutsit pillugit Inatsisartut peqqussutaanni aalajangersakkat tunngavigalugit iliuusissamik aallartitsiviusimasut, covid-19-ip kingunerisaanik nalinginnaasumillu atuartitsinermik ingerlatsisinnaangitsut Inatsisartut meeqqat atuarfiat pillugu inatsisaat naapertorlugu, Tunngaviusumik atuarfiit namminersortitat angerlarsimaffimmillu atuartitaaneq il.il. pillugit Inatsisartut inatsisaat il.il. naapertorlugu, Efterskolit pillugit Inatsisartut peqqussutaat naapertorlugu, Meeqqat atuarfiat pillugu Inatsisartut inatsisaat naapertorlugu, Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat naapertorlugu, Ilinniarnertuunngorniartarneq pillugu Inatsisartut inatsisaat naapertorlugu aammalu Qaffasinnerusunik ilinniartitaanerit pillugit Inatsisartut inatsisaat naapertorlugu, pisussaaffilerneqarput piffissami ajornartoorfusumi atuartitsinermik ingerlatsisarnissamik, misilitsinnernik ingerlatsisarnissamik aammalu soraarummeersitsisarnissamik uppersaatinullu suliaqartarnissamik, ilinniartussamik tigusisarnissamik aammalu ilitersuineramik ingerlatsisarnissamik nalunaarut manna naapertorlugu, tak. taamaattoq imm. 4.

*Imm. 2.* Ilinniartitaanermut Naalakkersuisoqarfik atuartunut aamma ilinniartunut atugassarititaasunik assigiinnik peqarnissaa qularnaarumallugu atuarfinnut aamma ingerlatsivinnut ilitersuutinik aalajangersaasinnaavoq, atuarfiit aamma ilinniartit suliasaminik nalunaarut manna naapertorlugu suliaqartarnissaannut, minnerunngitsumik soraarummeersitsisarnernut aammalu misilitsinnernik ingerlatsisarnernut tunngasuni. Tamanna pisassaaq tamanna pillugu atuarfiit ilinniartit pineqartut isumasioreerlugit. Atuarfiit eqqarsaatigalugit tamanna pisassaaq kommunalbestyrelsit sulianut atatillugu isumasioreerlugit, tak. taamaattoq imm. 4.

*Imm. 3.* Inatsisartut inatsisaanni imm. 1-imi eqqaaneqartuni akornutissaqanngilaq ajornartoorfusumi

atuartitsisarnermik, soraarummeersitsisarnermik, misilitsittoqartarneranik, tamatumani aamma svendinggussalluni misilitsinnerit ingerlanneqartarnissaannut nalunaarut manna naapertorlugu.

*Imm. 4.* Imm. 1 atuutinngilaq meeqqat atuarfianni inaarutaasumik misilitsinnermut, tak. Namminersorlutik Oqartussat nalunaarutaat angusanik karakteriliisarneq pillugu, taartitut meeqqat atuarfianni inaarutaasumik misilitsittarnermut, covid-19-ip kingunerisaanik.

**§ 2.** Atuarfiit aamma ilinniarfiit § 1, imm. 1-imi eqqaaneqartut sapinngisamik annertunerpaamik aaqqissuuttassavaat aammalu ingerlattassallugit ilinniartitaanerup ingerlaasissaa, atuartitaaneq, soraarummeertarneq aamma misilitsittarneq, imatut aaqqissuullugit sapinngisamik annertunerpaamik atuartut ilinniagaqartullu nalinginnaasumik ingerlatsisoqartuuppat atugarisassaanniit ajornerunngitsunik. Tamatumuuna qularnaarneqassaaq atuartut aamma ilinniagaqartut sapinngisamik pitsaanerpaanik tunngavissaqartarnissaat ilinniagassaminnik ingerlatsinissaminnut, tamatumani aamma soraarummeertoqassappat soraarummeernerni, misilitsinnerni aammalu assassortunut svendinggussalluni misilitsittarnerni.

*Imm. 2.* Aaqqissuussisarneq ingerlatsisarnernu atuartitsinermik, soraarummeertarnernik aamma misilitsittarnernik pisassaaq oqartussat suliani susassaqartut allat qanimut suleqatigalugit.

**§ 3.** Atuarfik imaluunniit ilinniarfik ingerlatsivimmit allamit noqqaasoqarnera tunngavigalugu pisariaqassusia naapertorlugu tamanna pillugu isumaqatigiissuteqarnikkut tamatumunnga ikiuuttassaaq aaqqissuussinermi piviusunngortitsinermilu ilinniartitaanermik, atuartitsinermik, soraarummeernernik aamma misilitsinnernik nalunaarut manna naapertorlugu.

*Imm. 2.* Ikiorsiineq imm. 1 naapertorlugu ilaatigut ilaqarsinnaavoq atuartitsinermi atortussanik aamma ilisimasanik misilittakkanillu paarlaasseqatigiittarnernik, misilittakkanik ilisimasanillu avitseqatigiittarnermik aammalu qarasaasiakkut aaqqissuussamik atuartitsinermik ingerlatsisarnernik.

## **Kapitali 2**

### *Ilinniartitaanerup ingerlanissaanik allannguuteqartitsisarneq*

**§ 4.** Ilinniartitaanerni paarlakaattumik aaqqissuussaasartuni, atuarfiup imaluunniit ilinniarfiup sungiusaammik suliffusartumut ilinniartumullu isumaqatigiissuteqarnikkut, tamatumani aamma isumaqatigiissuteqarnikkut sungiusaammik sulinikkut ilinniarnissaq tamakkiisumik imaluunniit ilaannakuusumik sungiusaammik ilinniarfimmi sungiusaammik sulinertut ingerlassinnaavaat.

*Imm. 2.* Suliffeqarfiup sungiusaammik suliffusartup aamma ilinniartup atuarfik imaluunniit ilinniarfik isumaqatigiissuteqarfigalugu piffissamik sungiusaammik suliffusussamik sivitsuisinnaapput.

## **Kapitel 3**

### *Ajornartoorfiusumi atuartitaaneq*

**§ 5.** Ajornartoorfiusumi atuartitsineq aaqqissuunneqassaaq ingerlanneqarlunilu ataatsimoorluni atuartitsisut, ilinniartitsisut, atuartut, ilinniagaqartut il.il. katersuuffiginngisaannik, tak. taamaattoq § 7, imm. 2.

**§ 6.** Atuartut aamma ilinniagaqartut pisussaapput ajornartoorfusumi atuartitaanermi taartaasumi eqeersimaarlutik peqataanissamut, nalinginnaasumik atuartitaanermi peqataanissamut pisussaaffeqareersimagunik.

*Imm. 2.* Atuarfiup imaluunniit ilinniarfiup nalunaarsortassavai atuartut aamma ilinniagaqartut ajornartoorfusumi atuartitaanermi eqeersimaarlutik peqataannginneri.

**§ 7.** Atuarfik imaluunniit ilinniarfik ajornartoorfusumi atuartitsinermik aqqissuussisassaaq atuartut ataasiakkaat aallaavigalugit, imaluunniit ilinniagaqartup pisariaqartitsinera aallaavigalugu, piffissami immikkut ittumi periarfissat tunngavigalugit. Tamanna atuuppoq immikkut atuartunut aamma ilinniagaqartunut immikkut ittumik atuartinneqarnissamik pisariaqartitsisunut, allatigullu perorsaanikkut immikkut ittunik pisariaqartitsisunut, immikkut tapersersorneqarnissamik pisariaqartitsisunut imaluunniit ineriartormikkut immikkut isigineqarnissamik imaluunniit tapersersorneqarnissamik pisariaqartitsisunut.

*Imm. 2.* Nalilerneqarpat pingaaruteqartut atuartup atugarissaarneranut, timalimmik specialklassini atuartitsisarneq atuartunut immikkut atuartinneqarnissamik pisariaqartitsisunut aamma allatigut perorsaanikkut immikkut ittunik aqqissuussineq ingerlatiinnarneqarsinnaavoq, immikkut ikiorsiinissamik pisariaqartitsineq, imaluunniit ineriartornerup pisariaqartippagu immikkut isiginiaanissaq ikiorsiinissarluunniit.

*Imm. 3.* Imm. 2 naapertorlugu atuartitsineq taamaallaat pisinnaavoq tamanna ingerlatissallugu ajornanngippat, Nappaatit tunillaassortut akiorniarlugit iliuutsit pillugit Inatsisartut peqqussutaata allanngortinneqarnera pillugu Inatsisartut inatsisissaanni imaluunniit taanna tunngavigalugu malittarisassiat naapertorlugit.

**§ 8.** Atuarfik imaluunniit ilinniarfik pisariaqartinneqartumik ilitsersuisassaaq ikiorsiisarluunilu atuartumut aamma ilinniartumut, ukiukinnernut, siunnerfigalugu angajoqqaat imaluunniit pilersuisuiusut piffissami ajornartoorfusumi atuartitsinermik ilalersuisinnaanissaat, tamatumanissaaq iluaqutissanik immikkut ittunik atuisoqartarsimatillugu.

*Imm. 2.* Ilitsersuisarnermi ilaapput apeqqutit atuartup imaluunniit ilinniartup pineqartup qarasaasiamut internetimut aqquutilimmik atuisinnaanera, ajornartoorfimi atuartitsinermi pineqartumi pisariaqartitsinermut naapertuuttumik.

**§ 9.** Ajornartoorfusumi atuartitsineq ilaatigut ungasissumiittunik atuartitsinermik ilaqarsinnaavoq qarasaasiakkut aqqissuussamik atuartitsisarneq, tamatumanissaaq angerlarsimaffigisami nammineq ilinniarneq, angerlarsimalluni suliaasaqarneq atuartitsinermi atortussanik naleqquttunik atuilluni, tamatamani aamma atuartitsissutinik digitaliusunik atuilluni.

**§ 10.** Ajornartoorfusumi atuartitsinermi ilaanngillat naleqquttumik atuartitsisarneq, fagini, aqqissuussinerni imaluunniit sillimaniarnermik peqquteqartumik naammassiniassallugit ajornakusoorsinnaasut, ilutigisaanik atuartitsisup kiisalu atuartut imaluunniit ilinniagaqartut najuuffigisaannik aqqissuussinikkut ingerlanneqartussat. Atuartitsisarnerit taamaattut atuarfiup imaluunniit ilinniarfiup ingerlatissallugit aalajangiussinnaavai ajornartoorfusumi atuartitsisarnissamut pisussaaffusoq atorunnaareerpat. Atuarfiup imaluunniit ilinniarfiup paarlattuanik siuartissinnaavai

atuartitsinissatut pilersaarutaareersut aaqqissuusseqqaarnissamik pisariaqartitsiviunngitsut, taamatut atuartitsineq ajornartoornermi atuartitsinertut ingerlallugu.

*Imm. 2.* Atuarfiit aamma ilinniarfiit imm. 1 apeqquatainnagu immikkorluinnaq pisuni aaqqissuussilluni atuarfimmi imaluunniit ilinniarfimmi atuartitsinermik ingerlatsisarsinnaapput, tamatumani aamma sannavinni aamma misileraavinni laboratoriani, atuarfiup imaluunniit ilinniarfiup nalilerpagu fagitigut piunasaqaatini piffissamullu atatillugu tamanna pisariaqartoq, assersuutigalugu ilinniarfinni allani tiguneqarsinnaanermut atatillugu.

*Imm. 3.* Atuartitsineq imm. 2 naapertorlugu taamaallaat pisinnaavoq tamanna ajornanngippat Nappaatit tunillaassortut akiorniarlugit iliuutsit pillugit Inatsisartut peqqussutaanni imaluunniit taanna tunngavigalugu malittarisassiat tunngavigalugit tamanna ingerlanneqarsinnaappat.

**§ 11.** Atuarfiit imaluunniit ilinniarfiit taarsiullugu atuartitsinermik atuartunut imaluunniit ilinniartunut ingerlatsissanngillat, ajornartoornermi atuartitsisussaaneq atorunnaarpat.

*Imm. 2.* Atuarfiup imaluunniit ilinniarfiup pisortaasa imm. 1-imi aalajangersagaq apeqquatainnagu ilassutitut atuartitsineq imaluunniit fagitigut atuartunut tapersersuineq ingerlassinnaavaat, pisortasut nalilerpassuk tamanna pisariaqartoq.

**§ 12.** Ajornartoorfusumi atuartitsisimaneq ilanngullugu naatsorsuunneqassaaq inatsisit naapertorlugit atuartitsinerup sivilissusissaanik naammassinninnissami.

#### **Kapitali 4**

*Soraarummeernerit aamma misilitsinnerit, tamatumani aamma svendeprøvit.*

**§ 13.** Atuarfiit imaluunniit ilinniarfiit sanioqqussinnaavaat imaluunniit ilassusersinnaavaat malittarisassat soraarummeernissamik aamma misilitsinnissamik aaqqissuusinnerminni ingerlatsinerminnilu, tamatumani aamma svendeprøvini pisuni imaattuni:

- 1) Ingerlatsinissamut piffissaliussami, tamatumani aamma kinguartitsinissani.
- 2) Ilusissaq, tamatumani aamma ungasissumiittunut ingerlatsineq, atortorissaarutit elektroniskiusut atorlugit.
- 3) Imai, tamatumani aamma aaqqissuusinnerit tigussaasut oqaluinnartarissanik imaluunniit allattarissanik taarserneqarneri.
- 4) Misilitsinnerit soraarummeernermi ilaasut amerlassusissaanni.
- 5) Censorinik, nakkutilliisunik, sanaanik nalilersuisartoq (skuemester) il.il.
- 6) Aalajangerneq atuarnermi pissarsiani karakterit misilitsinnermi imaluunniit soraarummeernermi karakterinngortissallugit fagini meeqqat atuarfiannik imaluunniit ilinniarfimmi matusinnermi naammassineqartuni.
- 7) Misilitsinnissamik taamaatitsineq imaluunniit kinguartitsineq.

*Imm. 2.* Pisariaqartumik svendeprøvip ingerlanneqarnissaanut piffissaliussamik allanngueq, tamatumani aamma kinguartitsinertut, tunngaveqartussaavoq isumaqatigiissuteqarnermik ilinniarfiup, ilinniagaqartup aamma sungiusaammik suliffiusup akornanni.

*Imm. 3.* Svendeprøvip kinguartinneqarnerani, tak. imm. 2, ilinniarfiup sungiusaammik suliffiusumiit inassuteqaammik tunngaveqartumik suliarnik ilinniagaqarsimasutut allagartaq - svendetut allagartaq -

imaluunniit ilinniagaqarsimanermut uppersaart allaffissornikkut suliarisinnaavaa, nalinginnaasumik suliamik ilinniagaqarsimasutut allatulli allagartartaartarnertulli, qularnaarneqarpat ilinniartoq piginnaaneqalersimasoq ilinniartitaanermi fagitigut angusassanik.

**§ 14.** Ilinniartitaanermut Naalakkersuisoqarfiup misilitsinnernik aamma soraarummeernernik nalilersuinissaq naammassineqarsinnaanngippat atuarfik imaluunniit ilinniarfik pisussaaffilersinnaavaa angusanut karakteriliinissamik, naak ilinniakkamut pineqartumut angusanut karakteriliisoqartanngikkartuortoq.

## **Kapitali 5**

### *Uppersaartit*

**§ 15.** Naalakkersuisoqarfiup uppersaartissanik suliaqartarnermut atuuttut malittarisassat sanioqquttarsinnaavai aaqissuussinerit aammalu soraarummeernernik misilitsinnernillu ingerlatsinerit, tamatumani aamma svendeprovnik naammassisaqartarnerit, tak. § 13, tamanna pisariaqartikkaangassuk.

## **Kapitali 6**

### *Tiguneqartarnek*

**§ 16.** Ilinniartitaanermut Naalakkersuisoqarfiup tiguneqartarnermut malittarisassat sanioqqussinnaavai qularnaarumallugu ajornartoorfiusumi atuartsineq aammalu soraarummeertarnek misilitsittarnerlu nalunaarut manna naapertorlugu atuartut ilinniagaqartullu ilinniakkani tiguneqarsinnaanerisa ajorseriannginnissaat.

*Imm. 2.* Malittarisassanik imm. 1-mi aalajangersarneqartunik sanioqqutsineq pissaaq tamanna pillugu atuarfinnik ilinniarfinnillu tigusinissami aalajangiisussanik isumasiuereernermi.

*Imm. 3.* Ilinniartitaanermut Naalakkersuisoqarfiup tamanut tusagassiarissavai sanioqqutsinerit imm. 1 naapertorlugu pisut.

*Imm. 4.* Atuarfii aamma ilinniarfiit tiguisarnerminnut malittarisassanik sanioqqutsiviusut imm. 1 naapertorlugu ilinniakkanut pineqartunut qinnuteqartut tamanna pillugu siunnersortassavaat.

## **Kapitel 7**

### *Pædagogikum-imik ingerlatsineq*

**§ 17.** Ilinniartitaanermut Naalakkersuisoqarfiup pædagogikum-imik ingerlatsisarnermi malittarisassanik sanioqqutsinnaavoq atuarfup imaluunniit ilinniarfiup ingerlatsinissami atugassarisaasa tamanna pisariaqartippagu.

*Imm. 2.* Imm. 1-imi malittarisassanik sanioqqutsineq pissaaq atuarfimmik aamma ilinniarfimmik tamanna pillugu pædagogikum-imi kandidatip atorfeqarfigisaanik isumasiuereernikkut.

*Imm. 3.* Imm. 1-imi malittarisassanik sanioqqutsineq imatut ingerlanneqassaaq sapinngisamik annertunerpaatigut isiginiaaffiusumik pædagogikum-imut kandidatip pædagogikum-imik naammassinissinnaaneramik.

*Imm. 4. Ilinniartitaanermut Naalakkersuisoqarfiup tamanut takusassiarissavaa imm. 1 naapertorlugu sanioqqutsinissaq pillugu aalajangerneq.*

## **Kapitel 8**

### *Ilinniagaqarnersiutit aamma tapiissutit*

**§ 18.** Ilinniagaqarnersiutit pillugit Inatsisartut inatsisaat naapertorlugu ilinniagaqarnersiuteqarsinnaaneq atorineqassanngilaq atuartup imaluunniit ilinniagaqartup atuartinneqarnerani imaluunniit soraarummeernerani, misilitsinnerani, tamatumani aamma inaarutaasumik misilitsinnerani aamma svendprøve-mik nalunaarut manna naapertorlugu ingerlatsinnermi.

**§ 19.** Akiliunneqarluni angalasinnaaneq Kalaallit Nunaata avataani illoqarfimmiit ilinniagaqarfusumiit Kalaallit Nunaanni kingullermik aalajangersimasumik najugaqarfisamut Namminersorlutik Oqartussat ilinniagaqarnersiutit pillugit nalunaarutaat naapertorlugu, imaluunniit Namminersorlutik Oqartussat Danmark-imi efterskolertarnernut tapiissuteqartarnermut nalunaarutaat naapertorlugu piimasaqaatitaqarpat ilinniagaqartoq imaluunniit efterskolimi atuartoq tamanna sioqqullugu covid-19-imut testerneqarsimassasoq, taava ilinniagaqartoq imaluunniit efterskolertoq tamatumunnga qinnuteqareernikkut akuerineqarsinnaavoq akiliunneqarluni angalanissamut, siumut utimullu illoqarfimmiit ilinniagaqarfisamiit illoqarfimmut testeriffusumut qaninnermut.

*Imm. 2. Imm. 1-imi pineqartoq akiliunneqarluni angalaneq misiligummik - testimik – tiguisoqarnissaa siunnerfigalugu imaqarpoq bilitsinut aningaasartuutitut tamakkiisumik matussusiinermik, aamma pisariaqartumik unnuinnermut aningaasartuutit, angalanissaq akikinnerpaaq atorlugu aaqqissuussaasumik.*

## **Kapitali 9**

### *Atortuulernera*

**§ 20.** Nalunaarut manna atortuulerpoq ullormi nalunaarutigineqarfusumi.

*Namminersorlutik Oqartussat, ulloq 28. april 2020*

Ane Lone Bagger

/

Karsten Peter Jensen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut